



Pou Piblikasyon Imedya: 12/12/2022

GOUVÈNÈ KATHY HOCHUL

## GOUVÈNÈ HOCHUL ANONSE 11 NOMINASYON POU REJIS ETA AK NASYONAL PLAS ISTORIK YO

*Sit yo reprezante yon varyete resous istorik, ki enkli yon magazen jeneral an wòch diznevyèm syèk la, yon faktori pyano nan Syracuse, simityè istorik nan East Hampton ak yon distri istorik nan Lansingburgh*

**Enskripsyon sou rejis yo ede asire prezèvasyon atravè envestisman piblik ak prive**

Jodi a, Gouvènè Kathy Hochul te anonse ke Konsèy pou Prezèvasyon Istorik Eta New York la (New York State Board for Historic Preservation) te rekòmande pou yo ajoute 11 pwopriyete nan Rejis Eta ak Nasional Plas Istorik yo. Nominasyon yo enkli yon faktori pyano ventyèm syèk la nan Syracuse, yon magazen jeneral an wòch ki ra nan diznevyèm syèk la nan Millville, yon simityè istorik nan vil East Hampton ak yon distri istorik nan Lansingburgh.

"Nominasyon sa yo montre divès istwa New York atravè prezèvasyon plas enpòtan kote Nouyòkè yo te viv, aprann, travay ak bati kominote yo", **Gouvènè Hochul te deklare**. "Lè nou ajoute sit sa yo nan rejis istorik nou yo, n ap rekonèt wòl enpòtan yo jwe nan rakonte istwa eta nou an. Mwen espere ke pwen sa yo pral inspire, edike ak amize jenerasyon k ap vini yo epi ede konekte Nouyòkè yo ak pase nou".

Rejis Eta ak Nasional yo kapab ede pwopriyetè yo modènize pwopriyete yo, sa k ap fè yo vin kalifye pou plizyè pwogram ak sèvis prezèvasyon piblik, tankou sibvansyon kontrepatti eta a yo ak kredi taks federal ak eta ki disponib pou reyabilitasyon istorik yo.

**Komisè Biwo Pak, Lwazi ak Prezèvasyon Istorik la (Office of Parks, Recreation and Historic Preservation), Erik Kulleseid, te deklare**, "Pak Eta a yo pran angajman pou prezèv ak pwomouvwa seri remakab resous istorik ki genyen nan tout New York. Resous istorik nou yo ka gen yon wòl entegral nan avni New York, epi ankourajman ki vini avèk rekonesans Eta ak Rejis Nasional yo, tankou kredi taks eta ak federal, kapab ede estabilize strikti istorik yo epi ankouraje envestisman nan kominote lokal nou yo".

**Komisè Adjwen pou Prezèvasyon Istorik nan Pak Eta yo, Daniel Mackay, te deklare**, "Nou konnen lefèt ke yo enskri sou Rejis Eta ak Nasional yo ede ogmante

apresyasyon yon kominote sou pase li epi amelyore opòtinite pou aktivite prezèvason, epi varyete nominasyon sa yo ka ankouraje Nouyòkè yo konsidere kalifikasyon pwòp estrikti istorik lokal yo. Nan Divizyon pou Prezèvason Istorik la, nou angaje nou pou nou deziyen ak sipòte resous istorik New York yo epi nou fyè de travay k ap kontinye a".

Pandan deseni pase a, Eta a te apwouve itilizasyon kredi enpo komèsyal pou reyabilitasyon plis pase 1,000 pwopriyete istorik, sa ki ankouraje plis pase 12 milya dola nan envestisman prive.

Yon [etid](#) ke Sèvis Pak Nasional (National Park Service, NPS) la te reyalize sou enpak kredi enpo a genyen sou djòb ak revni fiskal nan Eta New York, te jwenn ke ant 2016 ak 2020, kredi yo te jenere 74,220 djòb nan nivo nasional ak plis pase 1.3 milyon dola nan enpo lokal, eta ak federal.

Rejis Eta ak Nasional yo se lis ofisyèl biling, estrikti, distri, peyizaj, bagay ak sit enpòtan nan listwa, achitekti, akeyoloji ak kilti Eta New York ak peyi a. Gen plis pase 120,000 pwopriyete istorik toupatou nan eta a ki nan Rejis Nasional Lye Istorik la, endividyeòlman oswa tankou eleman nan distrik istorik yo. Mèt pwopriyete yo, minisipalite yo, ak òganizasyon yo nan kominote toupatou nan eta a te pwopoze nominasyon yo.

Lè Komisè ki sèvi kòm Ofisyè Prezèvason Istorik Eta a fin apwouve rekòmandasyon yo, y ap antre pwopriyete sa yo nan Rejis Lye Istorik Eta New York la epi apre sa y ap pwopoze yo pou yo mete yo nan Rejis Lye Istorik Nasional la, kote y ap egzamine yo, epi yon fwa yo apwouve yo, y ap antre yo nan Rejis Nasional la. W ap jwenn plis enfòmasyon, avèk foto sou nominasyon, disponib sou [sitwèb](#) Biwo Pak, Rekreyasyon ak Prezèvason Istorik la.

## Capital District

**Distri Istorik Sant Lansingburgh**, Konte Rensselaer - Distri Istorik Sant Lansingburgh la anbrase yon katye iben sou bank lès Rivyè Hudson nan pati ki pi nan nò vil Troy. Distri a okipe yon plato long ki pa fon ki fini sou bò lès la avèk gwo falèz epi li gen ladan swasant senk blòk ak pòsyon senk lòt. Lansingburgh gen rasin nan 1770, avèk premye enstitisyon yo ki gen ladan First Presbyterian Church (Premye Legliz Presbiteryen) ak Lansingburgh Academy (Akademi Lansingburgh). Distri a enpòtan pou plan griy fen dizwityèm syèk la epi li montre kwasans ak devlopman ki vin apre yo nan kòmansman ventyèm syèk la atravè katalòg achitekti laj ak varye kalite ak estil ki reflete nan kay, biling komèsyal ak sivik, legliz, ak sal sosyal yo.

**Harder Knitting Mill**, Konte Columbia - Harder Knitting Mill nan Hudson enpòtan pou asosyasyon li avèk fabrikasyon twal pandan fen diznevyèm syèk la ak kòmansman ventyèm syèk la ak relasyon li ak Union Mills, yon gwo konpayi pwodiksyon rad nan reyon Hudson Valley. Harder Knitting Mill te konstwi pa William A. Harder an 1882. Okòmansman, William Harder te fè patenarya ak papa I, Philip M., sou yon moulen triko nan vilaj Philmont anvan li te demenaje vin nan Hudson epi ouvri plizyè nan izin li nan

tout Hudson Valley. Harder, yon envantè siksè, te resevwa omwen senk patant Etazini pou amelyorasyon ak envansyon. Harder Knitting Mill se dènye izin triko ki siviv nan Hudson ak sèl bilding ki egziste nan mitan uit faktori nan rejyon an ki te fòme Union Mills.

**Ichabod Crane Schoolhouse**, Konte Columbia - Sitiye nan Vil Kinderhook epi kounye a posede pa Columbia County Historical Society, anviwon 1850, lekòl yon sèl klas la te aktif pou prèske yon santèn ane anvan li te vin sèvi kòm yon sant kominotè pandan yon ti tan. Konsepsyon li reflete priyorite mouvman Union Schools nan mitan diznevyèm syèk la, ki t ap chèche estandardize eksperyans edikatif pou elèv yo nan Eta New York. An 1974, yo te deplase bilding lan nan apeprè 600 pye de sit orijinal li epi li se yon egzanp efò prezèvasyon istorik ventyèm syèk la nan rejyon an.

### **Rejyon Santral**

**Amphion Piano Player Factory**, Konte Onondaga - Resous Syracuse sa a enpòtan pou asosyasyon li avèk Amphion Piano Player Factory, ki te devlope nan ane 1910 yo ak ane 1920 yo lè aparèy "piano player" yo te populè anpil. Premye seksyon nan bilding lan te konstwi an 1902 pa Syracuse Wallpaper Company; sepandan, nan ane 1910 konpayi Amphion Piano Player te fè akizisyon li. Dirige pa Lewis Domin, Amphion te devlope plizyè nan egzanp ki pi populè ak abòdab nan pyano mekanik ki te pwodwi an mas pandan ane 1910 ak 1920 yo. Bilding lan montre tou de diferan fòm konstriksyon moulen. Orijinal, seksyon 1902 a montre konstriksyon moulen komen, ki gen mi an brik ak yon sistèm estriktirèl an bwa ki lou, pandan adisyon 1920 an gen ladan yon chapant an asye ak gwo fenèt faktori an asye ki gen plizyè kawo.

**George C. Hanford House**, Konte Onondaga - Yo te bati George C. Hanford House an 1910 pou pwopriyetè yon konpayi endistriyèl enpòtan nan Syracuse epi li te sitiye nan West Onondaga Street ki alamòd. Kay la enpòtan kòm yon egzanp sofistike ak trè entak nan konsepsyon ekletik, Renesans Italyen ak kòm zèv de nan achitèk ki pi enpòtan nan Syracuse yo, Archimedes Russell ak Melvin King. Rezidans lan espesyalman enteresan pou konsepsyon eksteryè li yo ki enspire sou Renesans, ki prezante asimetri mas ak panno alèj trè dekoratif, kombine avèk yon enteryè ki depann de kalite atizanal ak materyèl rich estil atizan.

**St. Paul's Methodist Episcopal Church and Parsonage**, Konte Onondaga - Avèk melanj li yo nan karakteristik Queen Anne/Eastlake ak Stick, bilding legliz 1884 la se yon egzanp ekselan nan achitekti reliye Late Victorian epi li se karakteristik eksperimentyal achitèk pwolifik Syracuse Archimedes Russell. Menm jan ak lòt legliz Metodis nan peryòd la, bilding lan gen ladan espas sakre ak layik pou itilizasyon kongregasyon an. Siyifikasyon achitekti legliz la gen trèz vitray elabore ki ranfòse li ke yo te enstale an 1944 ak 1945 epi se Stanley Worden, yon atizan aklame nan Henry Keck Studios nan Syracuse, ke yo rekonèt nasyonalman ki te konsevwa yo. Presbitè ki atache kounye a, yon estrikti konpayon ki te bati nan ane 1900, se yon bilding modès nan estil Rèn Anne.

## Finger Lakes

**Pines of Perinton Apartments**, Konte Monroe - Pines of Perinton Apartments enpòtan nan nivo eta a pou asosyasyon yo ak Kòporasyon Devlopman Iben (Urban Development Corporation, UDC) Eta New York ak wòl li nan kreyasyon lojman abòdab pou fanmi ki gen revni ba ak modere ak granmoun aje nan fen ane 1960 yo ak kòmansman ane 1970 yo. UDC New York se te sèl gwo pwomotè lojman abòdab nan peyi a nan zòn banlye yo, ki te konstwi kenz pwojè nan eta a, ki gen ladan sis nan pi gwo zòn Rochester. Nan sa yo, Pines of Perinton te gen plis siksè ak pi entak la. Konplèks la, ki te devlope ant 1972 ak 1976, se yon bagay eksepsyonèlman enpòtan tou kòm yon egzanp ra ak enpòtan nan travay achitèk rekoni nan Vil New York, Gwathmey Siegal and Associates, nan Konte Monroe. Pandan ke lòt konsepsyon banlye UDC yo te lajman baze sou estil tradisyonèl yo, resous nominasyon an reprezante konsepsyon modèn ak teyori planifikasyon aplike avèk siksè nan menm pwoblèm nan. Kòm yon pwototip lojman ki ba, ki gen gwo dansite, konplèks la se te youn nan devlopman lojman banlye UDC ki pi distenge nan plan achitekti.

**T.O. Castle and Son General Store**, Konte Orleans - Konstwi nan anviwon 1849, T.O. Castle and Son General Store se yon biling komèsyal ki gen twa etaj, ki te konstwi ak wòch lokal epi ki sitiye nan yon kafou enpòtan. Anba direksyon Thomas Oliver Castle, yon manm enpòtan nan kominote a, magazen an te sèvi kòm sant jeyografik ak sosyal nan vilaj Millville, ki te reponn ak bezwen yon kominote agrikòl k ap grandi ak anplwaye ak etidyan Akademi Millville jiska la. ane 1870 yo. Biling nan enpòtan tou kòm youn nan yon ti kantite biling komèsyal an wòch ki dokimante nan Eta New York epi kòm yon egzanp yon magazen modès ak rezidans estil renesans Grèk nan Konte Orleans.

## Long Island

**Simityè Istorik Vil East Hampton**, Konte Suffolk - Yon sondaj ki fèk fini sou teren antèman, simityè, ak tonm istorik nan Vil East Hampton te idantifye karannsenk simityè ki date nan anviwon 1750- anviwon 1950. Sit sa yo reflete kat kalite pwopriyete, ki gen ladan teren antèman kominotè (anviwon 1650-anviwon 1950); simityè òganizasyon reliye (anviwon 1850-anviwon 1950); simityè prive ke asosyasyon posede (anviwon 1880-anviwon 1950); ak teren pou antere fanmi izole ak simityè (anviwon 1700-anviwon 1900). Anplasman an, varyete, ak sivi sit istorik antèman vil la prezèv istwa ak divèsite moun yo ak jenerasyon pratik antèman lokal yo. Van Scy Burying Ground se premye pwopriyete ki nonmen nan kad sondaj sa a.

**Van Scy Burying Ground**, Konte Suffolk, *Simityè Istorik Vil East Hampton* - Sitiye nan koloni istorik Northwest, yon ti vilaj nan Vil East Hampton, Van Scy Burying Ground se yon ti plas antèman fanmi ki izole ki date depi 1782-1884. Kounye a fè pati Grassy Hollow Nature Preserve vil la, sit la se prèv ki pi enpòtan ki siviv nan premye koloni East Hampton, yon koloni ki te devlope kòm yon sant komèsyal ak ekspedisyon nan fen disetyèm ak kòmansman dizwityèm syèk la. Simityè a gen ladan makè grè, mab, ak zenk tipik pou diznevyèm syèk la epi yo te idantifye dènyèman nan sondaj sou simityè istorik vil East Hampton.

## Mohawk Valley

**Avalon Knitting Mill**, Konte Oneida - Avalon Knitting Mill nan Utica enpòtan kòm yon egzant diferan nan konstriksyon izin brik nan kòmansman ventyèm syèk la, ki te gen ladan mi brik kòm sipò ak ankadreman bwa lou pou pwoteje kont posib domaj dife. Bilding lan enpòtan tou pou asosyasyon li avèk endistri fabrikasyon twal enpòtan nan Utica. Konsevwa pa achitèk Frank B. Sheldon an 1903, bilding lan te gen dabò Avalon Knitting Company (1903-1926) ki te okipe li, apresa te gen Augusta Knitting Company (1954-1958) ki te okipe li. Yo te elaji bilding nan de fwa, an 1905 ak 1916, pou satisfè demann epi te abrite nan moman somè li 400 machin ak 600 travayè, omwen mwatye ladan yo se te fanm.

## Western New York

**Schoellkopf Hall**, Konte Niagara - Konsakre an 1930 kòm yon dòtwa pou DeVeaux School ki te disparèt jodi a epi ki sitiye nan limit Pak Eta DeVeaux Woods sou kwen Rivyè Niagara, bilding sa a ki an wòch ak beton se yon egzant reprezentatif Konsepsyon enstitisyonèl Gotik Collegiate ventyèm syèk la ki konbine motif konsepsyon Gotik tradisyonèl yo avèk prensip kontanporen rezistan ak dife ak prensip planifikasyon rasyonèl. Konsevwa pa achitèk enpòtan ki baze nan Rochester C. Storrs Barrows (ki te yon diplome nan DeVeaux School), konstriksyon li te finanse pa filantwòp zòn lan Paul A. Schoellkopf nan Buffalo, Niagara & Eastern Power Company.

Biwo Pak, Lwazi ak Prezèvasyon Istorik Eta New York la sipèvize plis pase 250 pak, sit istorik, sante rekreyatif, tèren gòlf, ansman bato ak plis ankò, ki te vizite pa plis pase 78 milyon moun chak ane. Pou plis enfòmasyon sou nenpòt nan zòn lwazi sa yo, vizite [www.parks.ny.gov](http://www.parks.ny.gov), telechaje aplikasyon mobil gratis [NY State Parks Explorer](#) a oswa rele 518.474.0456. Epitou, konekte sou [Facebook](#), [Instagram](#) ak [Twitter](#).

###